

Sþ.

506. Tillaga til þingsályktunar

um ábyrgð og styrk handa mjólkursamlagi Suður-Pingeyinga.

Flm.: Jónas Jónsson.

Alþingi ályktar að heimila ríkisstjórninni að ábyrgjast fyrir hönd ríkissjóðs lán til mjólkursamlags Suður-Pingeyinga á Húsavík, allt að 300 þús. kr., og að greiða til þessa mjólkurbús $\frac{1}{4}$ hluta stofnkostnaðar, allt að 150 þús. kr.

Greinargerð.

Suður-Pingeyingar hafa nú viðbúnað til að reisa á vori komanda nauðsynleg húsakynni með tilheyrandi vélum fyrir mjólkurbú á Húsavík. Mun það ná yfir nálega alla sýsluna austan Ljósavatnsskarðs, að frátöldum Bárðardal. Sveinn Tryggvason mjólkurfræðingur hefur undirbúið þetta mál með Pingeyingum, og hefur hann ritað mér um málið 23. febr. bréf það, sem hér fer á eftir:

„Samkvæmt símtali við yður í gær fer hér á eftir lausleg áætlun um stofnkostnað væntanlegs mjólkursamlags í Suður-Pingeyjarsýslu, er væntanlega verður hafizt handa við byggingu á á vori komanda.

Áætlað kostnaðarverð hússins er	kr. 450000.00
— — — vélanna er	— 123000.00

Stofnkostnaður alls kr. 573000.00

Sveinn Tryggvason.“

Samkvæmt áætlun hr. Sveins Tryggvasonar verða mjólkurbú Austur-Húnvetninga og Suður-Pingeyinga svo að segja jafnstór og jafndýr. Í yfirstandandi fjárlögum er heimild í 22. gr. til að veita mjólkursamlagi Austur-Húnvetninga byggingarstyrk og ábyrgð fyrir byggingarláni, hliðstætt þeirri fyrirgreiðslu, sem hér er beðið um.